

Regional News Unit AIR Aizawl
Thursday, August 29, 2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- Chief Minister Pu Lalduhoman, HIV hrik kai ten ART damdawi an lak hmaa test chi hrang hrang tih ngai chu man chawi lovin sawrkarin a tihsak tawh dawn tih a puang.
- Chief Minister Pu Lalduhoma kaihhruaiin Mizoram State Policy Coordination Committee thukhawm chuan, Handholding Scheme chu kumin September thla khian hawn theih tum ni se an ti.
- Union Cabinet chuan Central Sector Scheme hnuaiia loneih tihhmasawn nan Agriculture Infrastructure Fund tihlen a remti.
- Union Cabinet chuan greenfield Industrial Smart Cities atan khawpui 12 a pawm.



CM

Chief Minister Pu Lalduhoman, HIV hrik kai ten ART damdawi an lak hmaa test chi hrang hrang tih ngai, base line investigation, man chawia tih ngai thin chu man chawi lovin sawrkarin a tihsak tawh dawn tih a puang.

Nimina Vaivakawn YMA Hall-a HIV leh mipat hmeichhiatna hman atanga inkaichhawn natna, STI (Sexually Transmitted Infection) chungchang mipui hnena zirtirna beihpui thlak (Intensified IEC Campaign- India Fight Against HIV & STI) Mizorama thla hnih chhung kalpui tur a hawnnaah Chief Minister Pu Lalduhoma'n he thu hi a puang a, Intensified IEC Campaign-India Fight Against HIV & STI hi NACO-in India ram state tina kalpui tura a ruahman a ni a, Mizoramah pawh Mizoram khawtinah kalpui tura ruahman a ni a, District zawng zawng DC ten theihtawp lo chhuahpui turin a chah tih a sawi bawk.

NACO-in State zawng zawnga din tura 2007 a a din, State Council on AIDS, HIV/AIDS chungchanga state-a thuneitu sang ber pawh August ni 19 khan ama Chairman-na hnuaiiah Mizorama a vawi khatna atan an thukhawm tih a sawi bawk a, Chief Minister chuan heng natna pahnih hi nunphung vanga natna ve ve an ni a. HIV bik hi vanduai vanga kai theih a ni nain chutianga kai chu an tam lo. Mizorama kai zaa 60 te hi mipat hmeichhiatna condom tel lova hman vanga kai an ni a, a dang zaa 30 hi ruihhlo ti thin te an ni a ti.

Tunah hian MSACS chuan HIV kai mi 16,217 vel an enkawl mek a, HIV natna kai hmuh chhuah, an chin hriat zui si loh hi mi 633 an awm a ni.

He campaign hi September leh October thla chhung kalpui a ni ang.



STATE POLICY COORDINATION COMT

Chief Minister Pu Lalduhoma kaihhruiin Mizoram State Policy Coordination Committee thukhawm chuan, Handholding Scheme chu kumin September thla khian hawn theih tum ni se an ti.

Nimina CM Conference Hall-ah meetingah Mizoram Sawrkar Flagship Programme Handholding Scheme hawn hun tur leh thil pawimawh dang te an sawiho a, Hanholding Policy hawn velah, a dil duh te tan dilna hun hawn zui nghal a ni ang an ti a ni.

Thlai thar lei tur chungchanga hmalaknate pawh an thlirhova, Aieng Processing Unit chungchang te, Hmunphiah processing chungchanga rawtna awm te, Hmunphiah dahkhawmna tur (warehouse) hmalak mek te pawh an sawi a ni.

Meeting-ah hian Forest Minister Pu Lalthansanga, Agriculture Minister Pu PC Vanlalruata, Horticulture Minister Prof. Lalnilawma, Industry Minister Pu F. Rodinglana, Adviser to Chief Minister Dr. KC Lalmalsawmzauva leh official te an tel a ni.



SERCHHIP

Serchhip Bawrhsap Pu Paul L.Khuma, Competent Authority for Land Acquisition (CALA) ni bawk hovin nimin khan DC Meeting Room ah NHIDCL in Serchhip District chhunga NH-54 siam hna an thawh mek chungchang sawi ho a ni.

Meeting-ah hian kar kalta a Keitum leh Bungtlang khuua kawng siam la zawhfel lohna hmun hrang hrang DC in a tlawhchhuah tawh te, siam zawhfel thuai a nih theih nan hmalak dan tur an lo sawi tawhte tarlan a ni a. An thawh tawh chin leh hmabak la awm te thlir ho a ni a.

Kawng laihna vungin Serchhip Zawlpui Mat phaia loneitute harsatna a thlen chungchang sawi niin leilet tih chhiat bakah an tui lak kawng a tihchhiat chungchang thu hi NHIDCL leh an hnuai thawk contractor te hi sawipui an ni bawk a ni.

Geo reference co-ordinate chungchang sawi niin hemi atana sum mamawh tur chungchangte sawi lan a nih bakah kawngpui siamin ram a tihchhiat sakte zangnadawmna la pek lohte pawh pe thuai tura tih an ni bawk a ni.



SAITUAL

Saitual DC Office compound ah District Hub for Empowerment of Women & One Stop Centre hmalaknain ni 100 chhung awh kal lai mekah Tree Plantation Drive cum Awareness Campaign nimin khan hawn a ni a, he programme ah hian kar tin thupui hrang hrang hman tur niin tunkar thupui atan Beti Bachao Beti Padhao leh Tree Plantation Drive kal pui tur a ni ang. He hun hmannaah hian Saitual Bawrhsap Dr Lalngura Tlau chuan thing a phun nghal.

Dr Lalngura Tlau chuan thu sawiin district chungga hmeichhe chanvo leh dikna humhalh kawnga theihtawp chhuah a, uluk taka hmathlir thui tak nei tur leh Saitual khawpui chauh nilo, district pum huap rilru pu chungga thawk turin a chah a. Ruitheih thil leh chhungkaw buaina hrang hrang avanga hmeichhe mangangte leh nun tleu tawhte tana One Stop Centre a awm chu lawmawm atih thu sawiin rilru zautak leh rawngbawlina rilru pu chungga thawk turin a chah nghal bawk.

Women and Child Development hnuaiiah hian hlawm lian pui pui pathumah inthenin Integrated Child Development Service (ICDS), Integrated Child Protection Society (ICPS) leh Misson Shakti(Protection and Empowerment) te a awm a, Mission Shakti hnuaiiah hian hlawm hnihah inthen lehin Sambal (Safety & Security Of Women) leh Samarthya (Empowerment of Women) te a awm hrang leh a ni.

Tunah hian MISSION SHAKTI hnuaiiah thawktu mi 16 awmin District Hub for Empowerment of Women(DHEW) ah thawktu - 4 leh ONE Stop Centre (OSC)-ah thawktu - 12 an awm mek a ni.

<><><>

MADC DY CEM

Mara Autonomous Dist Council Dy CEM Pu S.Lalremthanga Dy.CEM I&P changtu nibawk chuan nimin khan a official chamber ah thuthar lakhawmtute a kawm a.

Pu S.Lalremthanga chuan tunhnai ah I&P pek a ni a, chanchinbumite enkawltu chan a chan tak avanga inkawmna buatsaih a nih thu sawiin chanchinbu mite rilru sukthlek leh thuziah duhdan in mipui rilru a hruai nasa thei hle a ni tiin rilru dik tak leh thianghlim tak pu a mipui hnenah thu puang chhuak thin tura chahin an sorkar nen thawhhona tha tak an neih a duh thu sawiin Advertisement chungchangah pawh rualkhai taka kalpui a nih tur thute, a enkawl Dept. Primary Education leh Vety ah hmasawanna tha takin a awm mek thu sawiin I&P Dept pawh tihchangtlun chhoh tum a nih thu a sawi.

MJA lam pawhin thawhhona tha tak neih an duh thu leh an harsatna te hriatthiampui turin an ngen bawk.

<><><>

LADC

Lai Autonomous Dist Council a Taxation Department enkawltu Executive Member Pu Sanghuliana Mualchin chu Lawngtlai District Merchant Association hruaituten nimin khan hmuin, sumdawng ten harsatna an tawh hrang hrangte chinfel a nihtheih nan a hma la turin an ngen.

Lawngtlai District Merchant Association hruaitute chuan chhiah chungchang te Trade License pekchhuah chungchangte, Trade License neilo, pawnlam atanga sumdawng chungchangte Executive Member hi sawipuiin, dan hnuaiiah mumal taka phalna neia sumdawnga, chhiah pawh thataka petuten dan palzuttute vangin an sumdawanna in a tuar tih sawiin hmala turin Pu Sanghuliana Mualchin hi an ngen a ni.

Pu Sanghuliana chuan, Merchant Association hmalakna hrang hrang alo hriat tawh thu a sawi a, thawhhona tha tak neih chhunzawm zel a duh tih sawiin, an hnena an thlente chu Official lam te nen an lo zirho a, a tul anga hma an lak tur thu sumdawng pawl hruaitute hi a hrih.

<><><>

KOLASIB SABB

Sorkar laipuiin faina kawnga hma a lakna pakhat 'cleanliness drive on Safai Abnao, Bimaari Bhagao (SABB)' campaign chu UD&PA department bultumin nimin khan Kolasib-ah neih a ni a, Kolasib bialtu MLA Pu Lalfamkima, Assembly Deputy Speaker chuan a hmanpui.

Pu Lalfamkima chuan fai turin mihring chengten rilru thlak a ngai a, fai ngainatna aʔangin khawpui fai pawh a awm ʔhin tih a sawi. A hmun lova bawlhhlawh paih hremna siam te chu faina tura hmalakna a ni a, sorkarin bawlhhlawh sawngbawlna a siamah te bawlhhlawh thliar chungin paih hram hram a ngai tih a sawi.

Pu Lalfamkima chuan fur laia chhiatna, leimin leh thildang tam tak a thleng ʔhin te chu mahni insiamchawp a tam a, tuilankawrah bawlhhlawh paihin a hnawh a, hmun dangah tui a luang a, chu chuan leimin a siam thin a ti a. Luikawr bawlhhlawh paih hian tuiin a lenchhuak a, heihi a chengte sulhnu vek a ni a, lui tui te pawh plastic bottle ruak hlin a khat zo thin a ni a ti bawk.

Hei bakah inchung atanga ruahtui tla a luanral dan pawh enkawl ʔhat a ngai tih a sawi, felfai taka heng tuite hi a paihna siam loh chuan harsatna a thlen thei a ni a ti.

He hun hmanna hi Kolasib Town Sanitation Task Force chairman Pu Robert C Lalmangaiha, DC chuan kaihruiin SBM Brand Ambassador pahnih Tv Andrew Lalankima, gospel singer leh NI Lalremsiami, national hockey player te bakah department hotute, VC hrang hrang te, Kolasib Town YMA te leh middle atanga higher secondary school zirlaite telin mi 900 vel an pungkawm a, DC bangla aʔanga DC office inkar kawng zawhin kawngsira bawlhhlawh an chharfai a, faina kawnga thutiam an sawirual bawk.

<><><>

AGRICULTURE INFRASTRUCTURE FUND

Union Cabinet chuan Central Sector Scheme hnuai loneih tihmasawn nan Agriculture Infrastructure Fund tihlen a remti. He thutlukna avang hian ramchhunga agriculture lama hmasawna ruhrel infrastructure-te tun aia changtlung zawka siam a ni dawn a. Loneitute tan puitu tha tak a ni thei dawn a ni. Agriculture Infrastructure Fund hi kum 2020 khan siam tan niin a tirah cheng vaibelchhe nuai 1 ruahman niin loneitute tan kawng hrang hrangah tanpuina pek a ni.

<><><>

INDUSTRIAL SMART CITY

Union Cabinet chuan greenfield Industrial Smart Cities atan khawpui 12 a pawm. National Industrial Corridor Development Programme hnuai industry dinmun tihchangtlun zelna turin heng khawpui hi thlan an ni a. Union Information and Broadcasting Minister Ashwini Vaishnaw chuan heng industrial smart city atana sum peipun tura thehchhuah hi avaiin cheng vaibelchhe sing 2 sang 8 leh 602 anih thu a sawi a. Hna thar nuai 10 atanga nuai 30 chuang a siam belh dawn a ni a ti.

Industrial Smart city atana pawm thar te hi Uttarakhand-ah Khurpia, Bihar-ah Gaya khawpui, Punjab-ah Rajpura-Patiala, Telangana ah Zaheerabad, Maharastra-ah Dighi, Andhra Pradesh ah Orvakal leh Kopparthy, Kerala ah Palakkad, Rajasthan ah Jodhpur-Pali leh Uttar Pradesh-ah Agra leh Prayagraj te an ni.



TURKEY

Kum 2016-a Turkey sawrkar paihthlak tum anih tuma inhnamhnawiha rinhlelh mi 20 chu Turkey Police ten an hreng mek. Turkey Interior Minister Ali Yerlikaya chuan social media ah he thu hi tarlangin police te chuan prvince 11 ah a rualin beihpui an thlak a. Tuna an mi man te hik kum 2016, July ni 15-a sawrkar paihhlawk tumna Gulen Movement ah khan an inhnamhnawih thuk hle niin Interior Minister chuan a sawi a ni.

